

Зун хөн болгънас 146 хургъ авбув

Юстинск района „Енотаевский“ совхозин ах хөөч үр Утегенов Айтымла кесн күүндврэс

Амн болгъна тоод мах, тос болн үс гаргългъарн өөрхн джилмүдин өргцд США-г күүндж авхин төлө селәнә әдл-ахуд көдлджәх улс шунлтта кевәр ноолдджацхана. Совхозин каракульск тохмта хөд өскджәх хөөчнр 100 нәәднр хөн болгънас 115 хургъ авх, сән чинртә 16.700 хүрсх госу-дарствд орулдж өгхмн гидж даалгъ-вр авсмн.

Арвн джил хооран би Аәдрхнә загъсна промыслд көдлджәсн цагт, хө хәләджд асрхмч гидж нанд келсн болхла, би чидджд чадхн угав гидж келх биләв. Болв би көдлмшин гиигнинь хәәсн угав. Загъс аньллгъна көдлмшән хаяд, хө хәрүлдж харлгъна көдлмшт гарв.

Үнәр келхлә — нанд шинкән хө-өч болдж көдлджәх цагт күнд болдж билә. Болв көдлмш күнд болснас

әәсн угав. Өмннь олн джил көдлдж йовх, сән дамшлтта хөөчрин медрлинъ дасдж авсн учрар, джил ирвас көдлмшән сәәнәр кеггәд, хәләдждәх хөбдән арднъ орад, үнн гол седклән тәвәд көдлсн учрар көдлмшин ашнъ му болсн уга. Улгүрлхд, нидн джил 100 хөн болгънас 137 хургъ авла. Ут-туршдан 11 джил хөбнә ард йовад, кесг мингън хө совхозд өскджд өгүв.

Эн джил мини гардждах отарт 790 толгъа каракульск тохмта нәәднр хөд бәәнә. Нанла хамдан көдлджәх улс ни-ницнөггүв, көдлмштән йир шунлтта. Мини дарук хөөч үр Карамурзыев Бердагали, Носамбаев Шамши көдлмштән килмджән, дурн-седклән өгч көдлцхәнә.

Эн джил 100 хөн болгънас 120 хургъ авх, государствд өггдх цуг хүрсхин 90 процентинь негдгч сортар өгхәр бий деерән даалгъвр авла. Ода хөд цугъар хургълчкесн бәәнә. 100 хөн болгънас 146 хургъ авбдн, 500 хүрсх негдгч сортар государствд өгвдн. Социалистическ дөрлдәнә ноолданд мини бригад негдгч бәәр эзлв.

Мини бригад яггәд имн күүдлмүдтә болв гиджд әмтн нанас сурх. Би эн тускар келхәр седжәнәв: негдвәр болхла, хөбг оньдинд сән чинәтәггәр бәрх кергтә. Идгин газриг кесг әнг кеггәд, әнг болгъвинг цаглань солад йовхла идг халцхардждахмн уга, түрүн олзлсн идг дахн өсәд, асржд одна. Эн оньгрсн үвл 500 тонн өвс хөбдтән белджд авлавдн. Болв бидн хөбдән үвлин туршарт газрин идгт хәрүлсн учрар белджд авсн өвсн элвгәр күрв.

Зунин цагт, өр цәәггәд ирхлә хөбдән тууджд гарад хәрүлнәв. Нарн деер гарад, халурад ирхлә хәрү тууджд ирәд, цевр худгин усар услад, серүн ортл хөд шоодг газрт амрулдж кевтулнәвдн. Кемрджән чинәнъ

му хөд бәәхлә, теднд өдр болгън 300 грамм концентрированн хот өгч, чинәгъинь яснавдн.

Хөд хургълх цаг шидрдәд ирхлә, бидн эврәннъ бригадин чидләр хаша-хаациг ясад, дотркинь цеврләд, хургълх хөд бәәх хорагъинь, хөд йилгәджд авх хорагъинь болн хошадгурвәд хургүд гаргъсн хөд бәрх хорагъинь белджд авнавдн. Гарсн хургүдиг сән гидгәр шинджджд хәләггәд, әр хургүдиг өкәсн салггәд, хүрсх авхин төлә алгднә, күүкн хургүднъ цаарандн төл кевәр өскднә.

Каракульск тохмта хургүд бәрх хаша дотркинь оньдинд хагсу, цевр-цер, кевтх ормин девскриг оньдин соладжд, хургүд асрнавдн. Бичкн хургүдиг эзн кевәр асржд өскджд, көг тәвх насн иртл таргънпадхлнъ бәрхлә, әднәс чангъ-чинрг, әрүл-дорул хургүд авч болхмн.

Ода тохмд үлдәсн хургүдт концентрированн хотднъ загъсна тос ниилүлдж өгнәвдн. Тиггхлә хургүд сәәнәр батржд өснә. Нидн джиләс авн, гарсн хургүдиг хашад-бәзд бәрлгънә эв-аргъар асржд өскнәвдн. Эн джил нәәднр хөд март сарна хургүлдж төгслә. Хургүдиг хашаднъ үлдәчкәд, әкинъ гаргәджд идгт хәрүлнәвдн.

Джил болгън нәәднр хөбдәсн нургүлдж хошад хургү авнавдн. Гарсн хургүд әкиннь үсндән цаддг болхин төлә нәәднр хөбдт концентрированн хот-хоолинъ таслвр уга өгч, чинәтәггәр бәрнәвдн. Тегәд нәәднр хөд, гарсн хургүдан сәәнәр теджәггәд, хургүднъ ик өслтә болна. Дакәд мини нөкднр цугъар ни-ницнөггүв болн көдлмштән седклән өгч көдлснә ашнъ сән күүдлмүдтә болдж гарв.

Бичжд авсн П. ШИШКИН.